

Asunto: Bases que rexerán o procedemento de matrícula no campamento de pascua (Semana Santa 2025) no MIHL.

1.- Obxecto da convocatoria:

As presentes bases teñen como obxecto regular o procedemento de matrícula no campamento de pascua de Semana Santa 2025 no museo MIHL.

As actividades realizadas no campamento serán fundamentalmente de contido artístico, potenciando a creatividade dos/as participantes mediante unha búsqueda de ovos de Pascua entre outras actividades

2.- Destinatarios/as.

Poderán solicitar praza os nenos/as empadroados/as no Concello de Lugo nados/as entre os anos 2013 e 2021 (ambos anos incluídos).

O número de prazas ofertadas é de 20.

Os nenos/as que opten a praza deberán de ser autónomos/as para ir ao baño.

3.- Modalidade do servizo, horarios e período de prestación deste.

O campamento de pascua levarase a cabo nas instalacións do museo os días 14, 15, 16 e 21 de abril.

Horario: das 9:15 ás 13:45 horas.

O número total de prazas ofertadas son 20.

A recollida dos/as participantes realizarase por parte das persoas que presentaron a inscrición. No caso de non ser así, a persoa que acuda debe estar autorizada por escrito polos/as pais/nais ou titores/as do menor.

As persoas autorizadas para a recollida non poderán ser menores de idade. Non será posible que os/as participantes acudan ou abandonen a actividade sen estar acompañados/as por unha das persoas autorizadas.

4. Normas de participación e materiais.

- Os/as participantes non poderán saír ou abandonar a actividade sen o acompañamento do pai, nai ou titores/as autorizados/as.
- Gardaranse as normas de respecto entre os/as usuarios/as e os/as monitores/as.
- As persoas participantes deberán seguir as directrices sinaladas en todo momento polo persoal responsable e monitores/as do programa. Non está permitido ningún tipo de comentario violento, físico e verbal.

SERVIZO DE CULTURA, TURISMO E PROMOCIÓN DA LINGUA

XMCR/cfl

Refª: Bases campamentos Mihil Semana Santa.doc

Asunto: Bases campamento de Semana Santa MIHL

- Todos/as os/as usuarios/as do campamento de verán deberán asistir e participar nas actividades programadas durante as semana, agás xustificación oportuna.
- No caso de que a persoa participante presente algunha enfermidade, alerxia ou información relevante que se considere que poida influír na participación dalgunha actividade ou pola que sexa necesario prestar especial atención, deberá comunicarse á organización antes do inicio das actividades.
- Os/as usuarios/as do programa deberán manter unha hixiene individual diaria adecuada para o correcto desenvolvemento do programa e boa relación interpersoal.
- Todos/as os/as participantes deberán asistir con roupa cómoda e ademais cun mandilón ou similar para protexer a roupa durante as actividades.
- Todos/as os/as participantes deberán acudir cunha mochila ben identificada que inclúa os seguintes enseres tamén identificados: Botellín de auga, gorra e pequena merenda.
- Durante a actividade non está permitido o uso de teléfono móbil, consolas e ningún outro dispositivo electrónico. Tampouco é recomendable traer obxectos de valor que sexan innecesarios ou delicados. A organización do programa non se fará responsable da perda, roubo ou extravío de ditos obxectos.
- O incumprimento destas normas por parte dos/as participantes suporá a toma de medidas oportunas por parte da organización, reservándose o dereito de expulsión se considera que a situación producida pode influír de forma negativa no correcto desenvolvemento do programa.

5. Procedemento de solicitude e concesión do servizo.

O procedemento de concesión do servizo iniciárase a solicitude das persoas interesadas, e realizarase por orde de inscrición mediante correo electrónico dende:

- O día 1 ao 7 de abril a partir das 10:00 da mañá.

As solicitudes deberán de ser dirixidas á dirección de correo do museo MIHL:

museo.mihl@lugo.gal

Tamén se poderá presentar a **solicitude de xeito presencial** no MIHL, que recepcionará vía email dita solicitude xa que non se admitirán inscricións que non estean presentadas por correo electrónico.

No correo de solicitude indicaranse os seguintes datos:

- Nome do alumno/a
- Data de nacemento
- Teléfono de contacto

No caso de irmáns a solicitude realizarase nun mesmo correo electrónico.

6.- Criterio de adxudicación.

As prazas outorgaranse por rigurosa orde de inscrición.

A **listaxe de admitidos** será publicada o día **8 de abril**. O prazo de formalización será ata o día 11 de abril.

Unha vez admitidos, deberase de aportar a documentación necesaria para realizar a formalización da inscrición.

- Fotocopia do DNI do pai, nai ou titor legal que presente a solicitude.
- Fotocopia do DNI do menor (no caso de telo).
- Folla de inscrición cuberta.
- Autorización da toma de imaxes no seu caso.

De non formalizarse a inscrición no prazo establecido perderase o dereito á praza podendo ser cuberta polo primeiro neno/a da lista de agarda.

No suposto de que algún dos/as menores admitidos incumpran as obrigas de asistencia sen a xustificación oportuna, causará baixa na actividade solicitada, sendo cuberta a praza con alumnos/as da lista de agarda.

No caso de quedar prazas libres, unha vez rematada a listaxe de agarda, poderán cubrirse con participantes que xa optaran a outras quendas, mediante correo electrónico ou inscrición telefónica.

Reservarase un 25% das prazas ofertadas para nenos e nenas derivados polos equipos de intervención con familias do Excmo. Concello de Lugo dos Servizos Sociais de Base.

7.- Protección de datos.

De acordo co establecido na Lei Orgánica 15/1999, de 13 de decembro, de Protección de Datos de Carácter Persoal, infórmaselles de que os seus datos persoais son tratados polo Concello de Lugo coa finalidade de tramitar a súa solicitude. A persoa titular poderá exercer os seus dereitos de oposición, acceso, rectificación ou cancelación, a través do Rexistro Xeral deste Concello, con domicilio na Pza. Maior s/n, onde lle facilitarán o impreso correspondente, ou na forma prevista na Lei 30/1992, de 26 de novembro.

8.- Consentimento expreso.

A presentación cumprimentada da solicitude de participación no programa de Campamento de pascua de semana santa no Mihil supón a total aceptación destas bases.